



潭西詩集卷五 一林水刺熱跋自責余此水亦為

苦雨今效五川韻

青浦楊陸榮采南氏著

延高坐長官

陸 最扶桑

而吾友中校對不丁家 雲難算此 同學潘肇振毅老選訂

早凍新節氣刺寒眼更干

岳胡鳴玉廷佩困食無

東歸集

起戊子四月 盡巳丑三月

山風林豳與官中 一兼意攻攻

今新潭西 稟蕪難節幾既品更莫楚雙雙葉可翻蟲干

潭西楊氏子生不解攢眉度日希逢飽看雲每自怡世人憐不得天意浩難窺抱膝一無事阿元來與嬉

多病慳豪飲旁人怪獨醒閒尋高士傳愛讀梵王經千
縷今成白雙波舊少青惟將蕭瑟意相對雨冥冥
冷淡荒齋裏簾櫳倚幾通昂頭真笑蠖鏤葉可憐蟲千
頃到門水終朝撩雨風村農與官戶一樣意匆匆

早魃傷前歲陰氛那更干

君恩倉有粟民困食無

簞

時奉 旨截江西漕平糶
而胥吏作奸澤不下究

雲釀乾坤小濤轟日月寒咎徵由漸

致高坐是何官

苦雨吟效玉川體

亥年遊西江渴飲一杯水悚然起自責念此水者爲蛟

龍之津山嶽之髓皇天遣馮夷導之成川流瀾瀾活我
黍稷梁稻登億秭我今無故以杯昏水飲入腹下遂已
私上拂天意天公疾貪饞時雨迺不降江南江北禾盡
死子年歸來無飯喫畫泥爲餅看而喜豈知此泥却是
后土肉假令剗我肉我必怒而起況乎后土尊上與蒼
帝比飈輪翻長風血面奏帝淚不止滴落一把淚水漲
沒閭里狐兔走跋跋不復得居址滴落兩把淚水漲沒
山觜木杪遊蝦須鼉吟滿城市淚如再滴地維圯剗肉
者臣臣過矣不忍無罪泪水底稽首頓首拜而啟恭惟

后土皇肉周於身日在肴際肉創則身病淚枯則日翳
昔臣獲罪蒙哀聰失雙耳延今二十年來凡宮商角徵
羽五聲之襍陳金石絲竹匏土革木八音之繁會而莫
審其悅耳之美雙眸雖炯然亦安能代聽以視祇如翳
厥目色不辨朱紫我視祇聽兩不借勢成獨見獨聞只
臣思肉之創者可以復生日之翳者不可以復明輕重
相較有彼此祇聰明聽臣語收拾眼裏淚俾我得耘耔
上承天德養下民天施地生利無已祇不見東海之魚
化爲虎頓頓肉食不自鄙祇又不見南山有猪復有豹

攫人以食血漬齒小民命與膏血盡制淚飲泣孰敢訾
祇今助虐復爾爾顛倒坤軸若使指攢肴拭面訴冤抑
爾肉可惜曷視彼祇聞此語須戟張手掣蛟虬作蛇使
瞞天障日簸威燄出入雲烟乘赤鯉上有五方帝瞋目
張盛氣下有五岳四瀆羣社羣稷之主宰依無壇兆位
合辭責祇闖祇室九幽門啟登九陛祇曰吁哉我之罪
出載黃旛一百二十飄旖旎黃旛捲雨浮雲開前稱祇
者竄且避彼何人哉假祇號却是祇之奴與婢祇惟左
右任非人乘機盜柄作奸宄任非人祇之恥悉擒諸醜

別右趾莫使橫行街市裏

殺老羞鳧進膳仍賦短歌以示賢似有蟋蟀太康之懼焉戲而有作

家有能言禽自呼曰鼻鼻殺老食鴨既始悔輕用殺鼻鼻令不生我殺安所施鼻鼻令不死我何忍殺之鼻鼻既生矣生必有死時我何忍不殺令彼愆死期可憐賣鴨子持鼻以易米殺老不食鼻易米將奚從歸求餉鴨糧鼻餉無由供殺老不食鴨物利而人凶殺老不食鼻積錢買田地水旱傷連年此恐失常計積錢買珠玉不

可以爲粟積錢買文繡不可以餬口積錢買詩書五鬼傍擲揄殺老不食鼻一儉得衆愚鼻鼻與其族一月一長雛並其同類者有雞復有鶩爰及諸毛物犬豕牛馬驢鱗介各有屬其屬繁且多殺老例不殺生子滿巢窩充塞天地間殺老無容足衆強欺獨弱來噉殺老肉殺老負大痛始悔殺鼻遲長跪告免死鼻鼻羣笑癡殺老令不生我殺安所施殺老令不死我何忍殺之殺老既生矣生必有死時我何忍不殺令彼愆死期鼻誠能言禽殺老嘿無辭泣然下雙淚將身供鴨羞其兒聞而驚

急就潭西謀潭西日吁哉爾盍殲其儔聞言得未有買
鼻以百數日宰五六頭具酒召戚故烹之利作羹腊之
或以脯

下第

蕭颯風淒薜荔裳空階霜氣逼重陽夜寒何苦蟲猶唧

秋老偏憐桂有香

邑中惟一老
諸生獲售

投子久甘輸雉彩釀花真憶

鬧蜂忙朝來絕笑奚奴說未損隨身舊錦囊

砧杵聲催柏葉紅禁寒猶是夾衣蒙窓楞日轉嗟何及

秋圃花乾望已空幻影暗驚虛壁網斷鳧微逗落時風

荒堤許我偷閒去行過溪東又轉東

集帶經堂四首

枕簟生寒夢易終曉霜明處響蟲蟲循聲聞譜相思調

付與西園落葉風

斷續秋聲過藥闌新聲淒咽舊聲酸摧紅墮白渾難聽

摠是如鉛淚點搏

苦調同翻意慘傷邊鴻那復訴更長醉鄉忽悟堪逃去

盡倒羅巾漉酒香

滿架縹緗爛錦霞茶烟凝綠暗窓紗秋光莫道無人分

點數東籬菊有花

步月傲寒瘦體

秋容鮮於花秋氣冷於水秋月光墮地疾風吹不起我
與我影謀相攜步庭周落葉忽一響衆鬼悅欲啾徬徨
倚斷壁隣女彈控揆

打魚詞

江空水白浪拍天蘆花荻葉多漁船一船橫渡呼鳥入
謹譁叫嘯聲喧闐長篙短楫築水面瓊花飛舞明珠濺
魚驚伏底不敢動以鳥下取何其便浦前忽值衆網戶

招之以手爭來前阿誰自倚身勢好手提綱網索貫穿
腰肢一搦手隨轉團團巧作晶盤圓衆漁拍手呼妙絕
各以其術搜窮泉或义以义矜智勝或罩以罩乘機先
勢求必得利用筌待其自至還施筌檣杆四集區隊伍
首尾撞突相磨旋水聲激石槎枝轉柳梢映水篙尾纏
沙深古岸扼蘭舵水爭狹路平船艤呈能鬪巧勢未已
紅日忽墜山西偏一船橫渡呼鳥去衆艇各散如雲烟
一竿獨夜釣白月光渺渺浮平川

移居六首效遺山體

四海本甚寬我獨無安所大厦豈所期庶幾保寧宇誰
令妻與孥跼跼不遑處辟如集木鳥將下復騫舉嗟余
走衣食燕北西南楚波駭惻中腸山巉戰雙股冬霜與
夏日辛苦涉寒暑一身甘所勞家累冀稍補豈期彈鋏
歸仍此無家苦念昔少陵翁浮家狎浦溆有時屋上茅
公然被風取昔賢尙若茲迂拙況如予又思人之生長
短等逆旅縱令處華堂戟枝燦門戶自謂得久安孫謀
貽父祖畢竟有衰頹荒烟漫墻堵不見侯王宅今古幾
易主天地羅幕席安穩足仰俛浩然發長歎有酒伊可

酤

昔余居潭西半畝亦名宅老屋三五間墻垣盡隕杌瓦
墮漏日星欹側跼株榭前街橫南方去水不盈尺來往
愁行人偏仄窘置屐後門疎籬笆蔓萎垂亂髮一一費
經營心力兩被役屋前治行道屋後催襍植竹木補罅
漏磚堊飾殘缺風吹榆柳榮雨帶蔬菜摘一水環淪漪
中庭敞虛白此身苟得容歌笑儘悅懌求安君子恥居
陋良朋謫書齋曾莫辦詩句蒙糖揆

小崑以余居無
書齋枉賜長句

前楹况

卑淺賓座洞過客入門必俛首眺仰輒中額夜枕失

安眠語聞街市籍因茲縈心寃坐不得安席室人復告
病氷炭時遭厄艱難支食飲皮膚切筋骨或言宅形凶
此語雖滑突趨避理固然遑敢永晨夕深藏解穴獸枝
借安倦翮新圖等原田四望竟安適

我友黃棣華城西有故址廿載閉重門堂屋風雨圯荒
庭翳蔓草蛙黽聒人耳緣堦不得路磊落臥石子無人
居廼廢得地我所企艱難累故人構造復經始初營坐
客堂下逮廚竈止前後適崇卑井井有條理雖乏華美
觀迥勝潭西北門前儻車輛我將我家徒

我家無長物裝以一車竟几者我所依席者我所凭瑣
屑携尊盃縱橫擔釜甌切莫忘犁鋤我將治我徑切莫
忘縑車紡棉急內政誰何古匣底乃有青青鏡徒能催
白髮不照窮愁命豈無百本書曾映短短檠徒滋骯髒
懷不救饑寒病兩者吾之蠹呼童爲急屏

前堂布几席後室鳴縑車中間何所有釜甌及尊盃燔
炮足羹馘清酒羅百壺僕婢盡歡喜孩穉或笑呼親朋
知我遷物享侈於於輝煌燦華燭腥臊堆豚魚日中誰
剝啄急整冠與裾倒屣迎西軒登讓行舒舒祛塵揖就

坐手中若有挈小作蕉葉卷却似一紙書自稱好詩句
美比璠與璵此非我所急持歸君自娛
我家朝既遷我夢夕亦好峩峩白玉堂齊整見所少粉
壁明珠璫香堦砌瑪瑙但覺清涼生永絕塵昏攪齊州
九點青萬里一目了庶豆衆岳陳一帶黃河繞俯看卿
相居莫抵粟粒小誰能辨我室濛密浮塵渺天風吹忽
墮淡白窻生曉鳴雞尙喔喔寒雨或悄悄佳夢失再尋
屋茆希永保

夜坐

麗密棉袍渾脫冠一編韓集一蒲團月和花影分窻紙
鴈與風聲戰夜寒小婢略知供茗椀老妻親自藝沉檀
霜街人靜聞歸騎自愛身閒勝作官

燃萁

霜氣鋒銛暗切肌深灰無炭只燃萁連倉貯穀雖非分
買米輸糧却自竒山芋當羹還當飯村醪如水亦如糜
閒中不少關心事挑盡殘燈坐未移

吳淞道中

蓑笠尋詩聞往事輕帆短日與消磨河水欲合牙鋒厲

江面詩集 卷五 九
岸雪將殘面點多得食雞羣爭上樹浮家鳥陣本無窠
草根已有青尖見剛反應知兆大和

時冬至
前一日

寒

黍谷春回願尙慳彌空雲氣摠成頑收回簷溜高懸筋
凍合池冰小起山射隙風尖塵落索負墻日薄背彎環
籬根忽見梅花咲借與蕭齋領一閒

舟中

江岸輕風響檣枝鶯黃初上柳梢時天公也愛儂才好
特遣春歸索小詩

竹屋茆簷過幾村薄寒兒女愛朝暎宜春字下排門坐
不向氈裘借小溫

茅屋周遮襍樹齊耒頭點點竹林西團村拜過開年節
便趁天晴上麥泥

荒江淺水碧於羅景物忙催節序過不見河豚連隊上
已看黃蜺點泥多

松江東下浪生花派別支分岸幾叉一自海門潮信落
灣灣岸口逐灘斜

登場禾稼儘輸官村落蕭條野望寬壺酒定知無買處

江風休弄晚來寒
林葉蕭然
杜老高渾絕
十絕句

杜老高渾絕
眈眈青蓮洒
落亦瑰奇
看山坡老
波瀾濶
稽首昌黎作
本師

長慶香山別一宗
毀之不必譽
無庸自將
排比矜家數
時露尖新鬪
筆鋒

東野沈思妙
入微吟成
造化失神
奇千言奚
當有無數
一字真堪
百世師

昌谷思慳枉鬼才
繁詞冗句掃
仍來爲元
爲白須條
達
爲賀爲郊
要剪裁

風神最說西崑好
細雨輕烟
柳一株何
似墻東窺
宋女
不施鉛粉
不施朱

陸范齊驅陸故雄
墨痕勻在
淡濃中若
論變化無
窮妙
未許詩名
屬放翁

少陵亡後接昌黎
卷裏兼收
衆體奇杜
老篇篇能
渾化
昌黎首首
有籜籬

荆公結構極精工
堅壁如山
不可攻射
必貫心方
命中
力能排界
果然雄

海西詩集 卷五
眼底紛紜費幾欵靈機內韞觸還開深情未暇描風月
羞向江郎借筆來
奇奇正正逞心兵盛盛衰衰孰主衡世上無人知瞎祝
可憐都作不平鳴

偶成

富貴真徒爾迂疎亦小安指先從大屈麋爲處高攢齷
齷羞人役詩書足古懽蒲團趺坐處消受北窓寒

園有花

園有花兮花有梅衝寒冒雪爭先開籬邊水次紛皚皚
芳堤桃李耀人目嬌姿綽約殊凡才當春欲進猶徘徊
壓羣出衆何爲哉瘦骨老死吁可哀

園有花兮柳垂絲濛濛密密晴風吹漫天一去歸何時
君不見陶家三徑松與菊空園死守甘幽獨秋老無人
颺濃馥肯似楊花化作萍隨波逐浪無時停

園有花兮紅白藤穿籬壓架枝交仍臨風搖曳情難勝
君不見淇園之竹以直摧高岡之栢以勁折輪君屈抑
苟自活龍攫虬挈奚足說

園有花兮日鷺粟爾顏何厚謝何速

潭西詩集 卷五
園有花兮池中蓮翻從泥底呈嬋娟苦心不死吁可憐
園有花兮東籬菊瘦骨亭亭無點肉霜寒畢竟有何好
甘為高秋守貞獨待得花開秋已殘君不見滿眼東風
春草綠

園有花兮葵向日東西迎送日出入浮雲漫漫蔽日光
葵心願得隨風颺一掃陰翳萬里明高山巉巖障日影
葵心願得逐劔鉞剗削魄偏萬里平獨抱貞心草莽中
高高天關何由通

獨坐

花謝香消百念灰鷺鷥無侶蝶無媒架頭鸚鵡休饒舌
試共禪心入定來

潭西詩集卷五終

潭西詩集卷五終



潭西詩集卷六

青浦楊陸榮采南氏著

陸 晟扶桑

同學潘肇振毅老選訂

胡鳴玉廷佩

蕪 譙羽集 起巳丑四月 盡庚寅四月

杭州次荆公金陵懷古韻

不倚長江倚浙江東南半壁未全降稱臣稱弟朝廷小
西子西湖尤物雙羅綺春迷僧院輦管絃風咽妓樓窓

獨憐閒煞韓忠武老去心情付酒缸
不啻嚴祠再疊前韻
釣竿斜拂富春江高志寧爲天子降
眼裏鄧吳寧足伍
意中巢許或堪雙青藤絡石文成篆
蒼鼠穿松影掛窓
一掬山泉堪拜醉勝如濁酒昏春缸

嚴州三疊前韻

飛湍東下入桐江合勢爭雄未肯降
兩岸斜回峰萬疊
一隄中界水流雙桐江新安江於此中分
如雲如雪帆飄布宜雨宜晴
箬作窓每到綠陰環合處團團疑坐素磁缸

衢州謁孔氏家廟四疊前韻

狼籍琴書夜涉江羞隨鼠輩共生降
聖心日皎雲初繼
廟貌星移南北雙世澤源源綿別派
絃歌隱隱貯晴窓
每緣霜露勞東望壇杏花香撲酒缸

廣信道中望鷺湖山五疊前韻

山指鷺湖槍隔江辯雄誰肯伏雌降
身心各自有參入
同異俄教判隻雙絕學尙看留講院
懷人空自倚船牕
臨風說與前賢道醪濁醪清摠一缸

滕王閣六疊前韻

三層危閣倚章江才擅吳郎坐約降賢主嘉賓難并二
長天秋水句無雙雲開翠染千山樹簾捲涼生四面牕
舊事盡隨流水去遣愁誰與酌千缸

樟樹鎮七疊前韻

文成討寧藩
誓師於此

故郡移封扼兩江變生或有以城降艱危計協羣情渙
憤激仇同國士雙

蕭庚雷濟皆贛人文成
靖寧亂二人之力居多

巨鎮昔曾屯戰馬腥

風今尙滿蓬窓誰教幻出鄱湖戲金杵親將撞玉缸

綠陰

綠陰濃處一帆開沙鳥牽風去復回自咲微軀太癡絕

賈船官舫共江隈

章江雜詩

一水粼粼碧輕羅蹙細紋神鴉啼古廟龜兔穴新墳旭
日翻山翠微風欵渚雲生平饒野興前路漫斜曛
長路無程限前洲復後洲柳陰鳴水碓灘靜集漁舟古
寺連雲暗輕帆帶雨收沙禽飛拍拍莫爲稻梁謀
暑熱夜猶甚荒江一棹橫聚喧隣舫話臥看衆星明野
樹森森立天河淡淡生何當赤雙足清洗落灘聲
是處聞哀玉山田落水濺濕烟沈白塔亂石漲平川雨

錢出山木風喧泊渚船望中僧寺好恰倚晚峰前
風雨連晨夕初晴望眼舒綠垂彌岸橘白跳脫鱗魚水
漫沙鷗落烟空村樹疎三弓如可借許我卜新居
雲迴天無盡南行路尙賒日中山影正灘急擗枝斜響
落茅菴磬風傳蓮渚花前林最葱鬱知是老農家
歲歲此行役孤帆送柳絲病知閒是福嬾與睡爲宜鳥
語無人處泉鳴過雨時山川吾不負囊底有新詩
毒霧漫天黑茫茫水氣昏山荒迷古徑犬吠報深村頽
淡衆峰直青黃襍樹繁欲知行客恨落日在高原

五月十六七日行贛吉道中雨不止憶去年五月

淫雨浹旬江南田禾悉湮 恩旨紆征格於能

吏澤不下究五六語蓋有慨也

蓬窻終日對滂沱贏得新愁一倍多嶺北田禾故無恙
江南蒔插竟如何雲昏敢穩天公夢湍急能翻陸地波
東望幾堆寒碧在歸心空自擬懸河

閱邸報感賦

淮寧郵遞接中州盡說雲昏雨不休遂見緣堤成巨浸

便開諸閘放洪流

河臣以水高衝害民居請悉開諸閘

官糧差喜能平糶

漕臣倡率各屬

買米

稚麥何堪竟失收

久雨妨麥兼之疫
病大行無人收割

天意未容人意料時

時東望淚盈眸

飢驅曾莫穩家居每倚西風淚滿裾江北忽傳彌月雨

虔南真憶萬金書杞憂至竟知無益晉糴寧當閉有餘

顛關頗勒索販

欲遣奚奴歸問信幾回搔首費踟躕

客多滯關下

郡署襍詩

重臺榴朶到秋紅古砌荒荒啣暗蟲此處先生一張榻
終朝清嘯半窓風縱橫書本堆塵架濃淡茶烟濕綺櫳
莫道晝長無箇事新詩親寫兩三通

背缺依然髮倍蒼羞將故態戲當場亡羊久已知無補
辟蠹何須爇有香吟罷燭枝和淚盡夢回街鼓曳風長
登樓莫悵非吾土試上高層直北望

窈窕深廊略轉東朱紋榻子最瓊瓏蘭長蘭短區高下
蕉綠蕉紅有異同花影看移墻角日蟬聲吟落樹梢風
蠻奴也解偷閒趣折得圓荷作酒筒

吟屐雙携遠曲廊晨曦夕月伴餘光殷勤烏贈臨窻語
斷續蓮飄隔苑香每笑堂階差等級多蒙晴雨誨炎涼
三盃未少熏人酒獨自騰騰入醉鄉

衙鼓寥寥曉暮聞
窻紗零落掛冰紋
淡黃樹着迎秋葉
淺白風馳載雨雲
抹麗朶留前夜摘
芙蓉根憶舊年分
將雛沙鳥頻來往
錯認中天點鴈羣

汗顆渾如珠顆圓
科頭頽坐欲成顛
心嫌團箒呈功少
人笑厖軀得暑偏
三伏正當行火令
重離況又屬南天
何時盡捲炎蒸去
閒倚西風落葉邊

挹翠樓高聳署西
登臨憑上幾層梯
塵昏最佳依危檻
壁暗猶看有舊題
烟裏巖巒巒千疊
紫雨餘橘柚一行低
百年壁壘周遭在
惆悵腥風滿大堤

手携虔志遡前朝
往事消沈付野苕
六省烽烟驚喪亂

百年人物在雲霄

明季閩王之亂自閩廣
在本省三藩之亂則浙閩合於滇黔也

文周獻

謝勞精核識短才
疎愧遠招每到不堪
編纂處暗窓風

雨竹蕭蕭

疑舫疑龕築小亭
羣芳圍繞襍黃青
斑鳩忽集花墮地
白雨纔過菌滿庭
四敞不應無日到
深陰常覺有烟扃
閒中許我來孤坐
比衆真成是獨醒

蕉雨荷風伴客閒
年年飄泊幾時還
尋常粥飯餐餐飽
蓬勃情懷漸漸慳
竹本無心虛見節
石原有態不妨頑

只憐匣底青銅鏡摧損仙人舊玉顏

虔州懷古效遺山體

趙清獻祠

尋幽愜佳懷覽古縱吟步指點清獻祠清風滿庭戶公
去已千年公神塞六宇公不祠是戀祠祀自千古民社
萬萬期幾輩守茲土問名今莫知草木同朽腐循階足
徘徊撫時感肺腑矯首望白雲孤鶴見鸞舞

岳忠武祠

敗壁蒙塵黃古砌繡苔紫招尋結遊步一帶秋花指當
年忠武王提戈靖不軌渠魁誠莫追全城無死理馳封
臣慮切得請君恩邇廟貌此日存千秋肅時祀為問靈
旗歸故國竟誰是

八境臺

章貢懸上流雙來會城北水洵城屢圯版築費民力熙
寧孔大夫一勞具特識鐵冶紅光輝石甃青崩劣城成
始足恃百載見整飭因高構臺榭上與浮雲逼窓疏啟
面面遠眺東南直峰攢五嶺高烟漲七閩黑豈惟恣遊
觀要害藉牢阨坡公貽斷句點染狀物色俄看後序悔

向者未身即羣兒不曉事規擬費筆墨分題恣搜討着
句辨格式拾其萬一餘將無少有得

通天巖

玉巖陽先生結茆隱空谷一徑裏長松千巖響飛瀑我
來尋舊址細路互起伏陰風鳴古洞清氣落羣木拳蘿
出小構因石便成屋登堂揖遺像瘦削露清肅亂碑劃
左轉徑窄屢迴復雲梯百八級上上足雙躡崇崖忽嵌
空磊落亂石覆擎天獨峭拔衆縹縵縵縵縵縵縵縵縵
新月熒微曲竒探得未有青眼虛久畜

清忠祠

皇天不祚宋日蹙夫有截閩廣無堅城如茅被風揭丞
相忠孝盡時事可智決艱危歎國步鐵石貫臣節空坑
一敗馭老淚洒熱血清忠問遺祠兵火盡株楸濂溪寄
時祀憑吊爲嗚咽江干竹青青墨點留屑屑

公檄勤王兵酒
墨竹葉上至今

生竹葉
有黑點山阿若有人舊恨與誰說

拜將臺

唐季降喪亂龍虎日鬪爭吞據各極力四海無完城村
庄窟狐兔井里藏榛荆惟餘兵死鬼雨濕啾啾聲盧譚

起草莽蠢焉竊王名雖然玷臣節力足全民生土疆況
四顧有朔非王正楊劉等盜耳誰與輸忠貞城南拜將
臺一望寒烟平行行吊遺址斜日秋蟲鳴

漢仙巖石龍

石龍萬萬古不知來何時陵跨幾巖谷風雨鱗之而聳
身投彎濃側腦戲嶮巖騰拏石勢湧斑駁薜髮披我聞
漢仙巖險怪羅諸竒此龍孰移置壁絕跬路迷偏仄出
洞口天矯許一窺乃知神鬼幻荒誕非人爲永懷不得
往甘被雲烟癡

山僧掃葉烹茶以待行旅

山僧倚杖山門立雲漲山巒山樹濕閒看過客走紅塵
未稔官人緣底急山前山後風颼颼落葉滿山泉水幽
汲泉掃葉敲石火雀舌濃煎綠滿甌爲語官人立片時
茫茫長路去何之一甌清茗香漬齒強似前頭喫井水

烟樹

烟樹模糊風樹颼年年濡淚賦悲秋生憎楚客無才思
還倩今人續舊愁

古樂府

關山月

中天掛白月來照雙銀鈎
西風昨夜起忽然吹落關山
頭關山戍兒見見明月心含愁
不怨關山苦情知故國秋
吹簫歌涼州黃沙暗凝雲
稠茫茫月還西流

獨不見

昨日見春風桃花紅復紅
今朝見秋月暗蟲啼不歇春
花秋月年年見美景良辰
如掣電自從鈿盒鎖塵埃
秋月春風見幾回

遠別離

遠別離不在關山道
只在長門長秋草
長門一閉秋草深
惆悵君恩難永保
遠別離不在天之涯
不在地之角
我聞咸陽王昨日西秦
今繫洛金床玉几委塵埃
秋露秋霜太凌爍
君不見將雛野鳥鳴
枝頭爭蟲分果俄
仇雛巢傾飛入網羅裏
可憐瀕死聲啾啾
遠予懷兮神可質
遠予望兮頭見日
遠莫遠兮人之心
覲余面兮昧笑
嗔苟一朝兮見離異
雖骨肉兮何由親

草中樹

庭前有古樹枝幹何龍
從巔巢兩白鳥曉暮來呼風
雙

雙啣草哺其穀草根墮落樹腹空含膏漬液遂生意便
復萌蘖於其中君不見西枝黃落東枝青高枝挺拔低
枝傾同根且莫共保聚他族逼處古所懲

我馬黃

我馬黃君馬黑安得同心復同色君不見短不必在寸
長不必在尺長短相參爲汝益若教滋味等鹹酸縱有
奇珍豈堪食

妾薄命

紅蕉之花碧露滋搖搖曳曳風扶持花前女兒十五六
差強配弱調吳絲小絃急大絃緩高低相逐鳴雄雌雨
懸山溜急風颺落花遲曲未終君已起妾手難教作君
耳安得同心人相將一處死

前有樽酒行

時已秋日又暮白烟茫茫暗無路空堂寂歷燭未張惟
有露氣風聲寒入座美人灑灑持金杯素絲低拂歌聲
哀今夕去矣何時回君不飲兮孤綠醅

獨祿篇

古詞泥濁猶
可水深殺我

獨祿泥水渾泥濁水復深臨堤不得渡惻愴愁人心水

深殺我我其甘之濁泥汗我我遑安之南山石背有劔
稜稜我不往索翳於蘿藤中林可樵隔此雲影匪雲隔
之斧缺其秉男兒死耳敢不義上戴皇天兮下履厚地
鳴鴈行
中天鳴鴈飛且鳴南來北去無時停汀烟浦雨身命輕
來時聯隊侶散去俄西東有羣安得常相同聞說西江
多稷黍飛飛敢惜譙毛羽江頭亦有鷺與鳧三三五五
依菰蒲苟滿我腹無多須願言與子權相於慎勿猜訝
成垂疎春風歸來我其徂

余生困竒病效昌黎體

余生困竒病萬苦喻弩伏欲聽病在耳欲視病在目其
餘百肢骸病各因厥族天能令我病耳目必我屬以身
與病爭有往足不躡我能強視聽往必與病觸天不貸
我病衆輻縈車轂當其靜無營伺殆羆卽鹿及乎中有
感迅發水赴谷視聽與病遭詩歌肥瘠速病隨視聽至
易兆良馬逐此病彼體安一面將當獨彼此病交集諸
浮卿會六久安或暫病七日見來復久病莫暫好六四
鼎折足官骸罔不具周衛錫身福我獨與病俱宛轉蛀

屑竹若或嘯於梁啾啾恍有告景物滿世界好醜塞維
軸安能因子視衣黃裏無緣安能因子聽音雅說無曲
見聞人所共耳日子自局且如人病君亦若針在褥子
何不自咎顛倒恣怨謔一笑俛仰寬飲啄隨粥粥

蓮社菴

遶門秋水碧淙淙荷葉荷花颭渚風隔斷流塵飛不到
人天渾在妙香中

次昌黎秋懷詩韻

閒庭縱吟屐老樹失蕤蕤豈直變鮮妍黃實勢未已涼
風從西來蕭颯復驚耳秋寒凜切骨悽惻坐爲起衰顏
對古鏡青絲換舊似百年幾刹那精力爾安恃嗟余年
就衰閱世比城軌回念少年塲顛躍浪自喜

有開必有謝有榮必有悴令古無死人充塞隘大地金
行正得令殺氣劇放恣感受旣已均就老孰強異彭殤
同一盡徒壽亦何貴

百年殊忽忽一日何曼曼涕洟范叔袍恹惶漂毋飯試
問眼中人幾輩適所願自哂出無車誰云駕可勸江風
與嶺雪駑馬途涉萬四州此頻頻來往錯酬獻蕭蕭窓

竹聲若爲寫幽怨

冥坐澄百慮心清如秋凌奈此几案間點污繁癡蠅我
劍不爾驅爾莫予用憎爾亦願同好叵奈高稜稜獵山
爾以且漁水我以曾兩遇兩寂莫惜哉非所能

戚戚復戚戚畏途生暗警撫膺一長嘆日短夜何永憂
來強自抑防口若虎猛柰此聞見交又復引以綆危樓
約遊步懽喜庶徼幸北望雲漫漫繁愁竟安屏

天涯際蕭索寒日迫短景竹僵森子子露白淡囹圄雲
邊鴈聲咽格格若茹梗惟餘大塊風號怒意偏騁孤懷
正百結秋氣欣得請

睫映鮫客珠殘燭對微暗本無兒女腸寧抱離別憾人
生有營爲各從明處瞰譬如物在口者好判鹹淡我來
緣底事一飽筭久濫感時時矯首節物誨久暫白日更
忙飛長繩不可纜曠懷身與世一一中自勘憂畏集百
端歸耐家無甌

有懷托吟寫素几臨前軒體裁別真僞往轍相追奔聲
句奚足尙我道在立言望古時有契時事紛目前中感
一以乘乃或忘朝餐含情襍諷諭指事勞排編安難字

止隻筆放句已千臨風一長嘯落葉爲悲酸晨窻漬苦
茗夜枕牽安眠我徒無別事藉以窮歲年

願言從浮丘海水看溢乾飈輪馭雲霧襍佩鳴琅玕廣
寒攀桂子冷坐清團團悵惘悟凡骨虛空難久安齋咨
雙涕洟心坎空波瀾不如任大運影逐兩彈丸征途無
遠近歸至卸其鞍

昨宵蟲唧唧曉起暗秋聲昨宵露泥泥曉起霜花明人
閒驚變態天道惟一誠一誠通往復萬物以虧盈春歸
沛德澤秋至肅刑兵我今年踰壯譬物辭春榮回頭艷
華好起槁嗟誰令
徜徉入醉鄉黑甜有餘好紛紜辭一切起遲眠我早奈
此諸妄纏安穩莫常保無何我故鄉行甘就木槁人生
足憂患已矣勿復道

百鳥相和鳴

百鳥相和鳴在此榴樹頭風晨與烟夕遺我若倡酬其
音或清揚逸韻隨風流乃或咽不吐迫促如含愁同時
入我耳哀樂昧其由我問爾不言我嘿聲襍投聲聞係
誰感白雲飛悠悠

濯濯芙蓉花

濯濯芙蓉花一枝開獨先乍開俄見折中忿難遽捐回
身窓下坐逾時發清歎山禽恍語我子亦何爲然明晨
看滿樹爛熳豈足妍後日西風生一掃如雲烟此花卽
不折豈得常鮮妍大人具遠照淺士艷目前眼看與手
折兩忘以無牽

晴天雲影合

晴天雲影合乃或離於風一片西南飛一片浮於東我
嘗觀飛雲膚寸能漫空山川恣吞吐變化隨蛟龍茲雲
何悠哉晴雨不任功其色黃而黧慘慘風日中

披風開素襟

披風開素襟秋暑倏已散煖醪敲石火小飲額微汗流
轉本一機炎涼以變換

松篁無俗響

松篁無俗響風雨流清聲尋常感激楚擺撼驚噲吟遂
謂耳所接只此耐幽聽茲懷殊偪仄大道涵濁清清清
而濁濁物乃鳴不平

昨日厭梁肉難爲今日餐夏日苦炎蒸不救冬日寒一
言慰軍士挾纊恐未然見飲輒酣適將無是寓言我欲
釀滄海人盡醉而顛我欲回陽春被野皆黃綿天公輒
大笑此子真聖賢

天下無白黑

天下無白黑人不眩於色天下無酸鹹人不驚於食物
情旣錯陳相引無紀極聖知而不言愚見而不識中人
擾其中開門揖羣賊

籠中有野鳥

籠中有野鳥眼向籠外窺安坐而得食鳴聲一何悲我
起開其籠直上雲邊飛君看搏風翮昨日猶囚羈

羣蟻托宇下

羣螿托宇下穴墻以爲宮巡遊足小蟻厥長居墻中疆
吏迫奔告左界來青蟲醜徒出續續千百咸豐功得肥
不自飽歸獻祈銘庸我來觀戰處京築土若封赤心能
報國盡是黑頭公

鳥聲巧於絃

鳥聲巧於絃絃聲不如鳥我心雖爾思未敢爲爾道

朝起怯風冷

朝起怯風冷目喻掩兩扉晝坐起徬徨小童知我饑乃知口司言不言真庶幾不言常得是言則有是非

月善寫秋意

月善寫秋意蕭然萬里明人人愛秋月乃有悲秋情月非秋外得悲向愛中生悲愛情各別一妄幾時平

高槐折枯枝

高槐折枯枝一枝蓋一畝蚍蜉緣其中本實漸腐朽驚風忽搖撼摧裂莫救取橫身臥道旁圍抱逾大斗涵濡雨露恩致此殆非偶惟其中不實外榮安得扭遂令百年身一日見碎首可憐樹底客濃陰昔蒙右一朝失倚依炎威迫身受托身非萬年將無悔前苟

登挹翠樓望空同山用荆公和平甫舟中望九華

山前首韻

衰秋伴閒客清苦味兩兼滌煩愛風響得趣祛塵織晨興無事事挈伴窮遐瞻危樓登挹翠點數青山尖曠如出樊籠倏覺冶景添遠坡平漫漫亂石森漸漸疎林入遠目瑣屑同葭蒹卽此備巧朴已足經時淹空同况高

聳坐鎮何安恬時當雲影合鏡若函以奩濛濛漲海氣
何由見陽暹少焉露圭角側腦來窺覘漸看峰頂出劔
戟排鋒銛餘氛吹復斷細縷飄虬髯譬彼屯蒙卦動之
解剝占四敵倚晴檻饞眼無屬饜臥看更恬適游泳比
浮瀟中峰極挺拔斜劈疑刀廉巍然帝王尊鑱天意未
厭旁峰見傾附親媾如佞儉遠峰羅十數貼伏示卑謙
參差迸春笋長短抽書籤乃或爛衆縐稜褶疊素縑騫
騰鶴矯矯娟好衣詹詹日黃覆鄂被沙白堆形鹽豈無
蒙叢林膏滋久濡沾依稀突兀石崩落愁膠粘平生足
憂患幸免山林嫌烟霞許搜討癡骨誰能砭輒又窘足
力有若口被箝彼行我獨坐更若交讓楠安得乘高風
物象區暫黔因茲兀傲志羞澁伏閭閻今朝喜宰豁雙
鈎掛垂簾不須躡吟屐勝槩羅前簷臨風一長嘯聲震
羣咕咕逸興未終極海東窺霜蟾微寒與之俱盡捲秋
餘炎携燈就書幌幽室還羈鉗佳遊期後續勝賞誰來

愈

寄懷用荆公得曾子固書因寄韻

陸嫵軒

制行區百端高最不易及鈍姿逐蠢動悔未忘結習因
茲行遑遑未免心汲汲卓犖嫫軒翁雲範吾久挹風矜
天半鶴孤往不可繫山田急種秫斗酒歲常給斗酒致
足樂是以如是急磁甌貯花妍古砌剝苔澁豈等木石
羣甘此空山蟄壯懷曾自許筆落雲烟濕鳳樓標傑構
草舍陋支葺高言響素琴清韻漬苦汁光芒映星斗零
落滿湘笈試與時賢叅豈止鄉比邑由其磊落懷望古
欣遙集睥睨羣卉紛兀傲瘦松立余游大塊中莽不知
所入波濤隨汎汎無味等羹清有往輒見窮擇術窘通

執行行念規躅梅影清難拾高原幸提携勿令萎下隰

趙橘鄉

明人專制藝精力不兩及遂令吟咏途一代沿陋習譬
如百家村只向一井汲濁汚紛滿眼清氣莫暫挹 聖
朝多逸足不受朽索繫方期浥天漿肯戀棧豆給 廟
堂煩鼓吹宮徵調緩急亦或隱巖阿四壁莓蘚澁橘鄉
老詩人霜雪遂幽蟄平生無苟作高蒼判卑濕不着粉
堊施自異茅竹葺朝飲一盂粥暮飲半匙汁白眼看浮
雲門外紛負笈誰能強之來高名達郡邑荒郊我何爲

慣逐寒鴉集烟雲看蜃幻羆虎駭石立鄉心明月照客
舍寒風入何時歸去來飲醇如美清農圃或能如射御
亦可執并當屏詩業一意柴薪拾非敢希高踪稔本宜
於隰

潘毅老

閒中遡疇曩逝水駛莫及城南數椽屋青瑣記遊習石
火冷可敲池水清堪汲疎籬牽蔓綠芝宇遂親挹三年
臥起俱信宿不待繫泉烹霜菊苦盤贖雙螯給二語係當時實事
時余浪馳騁譬若章就急君言必中的工妥掃艱澁文

成共切劘藏秘陋蟲螫池灘憶初冰衣薄寒霜濕佳章
辱投贈拙句蒙補葺從茲判襟裾稀得共茗汁年來走
衣食千里挈書笈西風吹斷篷遑敢戀鄉邑紛然觸舊
事往往百感集縱無明月光常有清宵立東望江濤寒
風帆見出入思歸心自渴渴莫飲以清春風約蘭棹願
言手重執盃茗雖艱難蒲笋幸收拾城東足眺覽嫩綠
睇桑隰

黃棣華

本無勝人心人自不能及琴書有佳招花鳥所素習名

園德可種修綆古是汲芳情命客同幽趣隨時挹早畢
婚嫁累不受塵俗繫數者天所靳一一爲君給再觀名
利場食爭鴈鶩急終南假捷徑此路不差澁君才洵足
致心怪久閉螫君言情所宜避喧如避濕誰甘無縫衣
復受針線葺誰甘清泠泉溷以醯醢汁高言聞未有如
聆七寶笈回頭憐賤子半世足憂邑鍛羽倦猶飛有木
不得集風霜旅館眠烟雨船頭立慚愧空巖雲朝出暮
還入蓬門幾日歸霜露辨酒消得閒侍君子小坎對花
執窻前蟲語咽陰盛月際拾彌傷羈客懷蕭索望原隰

唐竹鳴昆仲

竹鳴何其愚其愚不可及一愚謝世故遂得專講習江
湖窺浩浩瑣屑陋瓶汲當其搥筆時左右任取挹鶴浦
何其智智不受羈繫以我無妄求絕爾希倖給是非心
張弛涕唾物緩急遂令中立人瞻顧得羞澁所稟德攸
殊一故而一螫我欲兩師之庶以宜燥濕兩師得兩困
東倒疲西葺智源無常流物噉如肉汁愚溪急逃避冷
浪汨秘笈因之多愧赧亦復屢於邑一身譬枯枝苦受
衆鳥集徒仰雙峰高屹屹倚雲立願言剗我腸別以肺

海內詩集 卷六
腑入無愚亦無智淡若太羹清念此終非能卒教期友
執轉眼東風歸芳馨足採拾倘逢杜若花幸勿辭降隰

陸菱潭昆季

菱潭何軒昂天馬行孰及恪斐雅靜遠東風吹習習西
軒最我知百事蒙引汲言別雖頻頻氣宇若常挹由其
交以神神不可維繫嗟余少貧賤八口習莧給中年遭
顛沛弱植撼風急搶首愁天呼仰屋愧囊澁氣落少時
豪物就嚴冬蟄文場况屢躓火不爇薪濕世途分鄙棄
學圃羞營葺憐君時慰勞好語甘梨汁坐我所坐齋琳

琅出雲笈每謂我才高高出於我邑茲言豈不愧感亦
與俱集凝塵暗油幕瘦影隨起立移蕉約風來開戶延
月入因茲感時祀主器誰奉清悽愴故人情襟袖復阻
執人生安家居椽粟饑堪拾要約春同歸犁雲耕古隰
寄懷碧山用昌黎崔十六少府攝伊陽以詩及書

長沙見投因酬韻

徵權邈昔歲花榭遊歷慣君誼劇勤倦我性極誕慢過
從不待招風雨曾莫間蔬盤及酒醖日日費營辦何須
及草芳奚必俟花綻閒常尊不空獨醒我何患圖官付

一擲遷謫感仕宦窻風及砌雨往往窮朝晏平原每來
同相好差賓鴈酒酣狀諸變逼肖混真贗時時爲絕倒
狂躍露雙鬢佳兒偶出侍亭亭颭角卍玉雪暈微紅智
好花一瓣嬌如鶯乍啼矯若龍難參會合豈易常志決
誰能諫城東耽小築疾去等避訕而我垂時宜踉蹌隨
坑澗幾年走荒山飛搶比斤鷄旅飯和風餐絮鐵類甲
擐洪濤鳴戈矛怪石儼彪虓踪跡蓬葉飄見聞蜃氣幻
惟餘栩栩蝶仍落家園莧醒來感羈孤戢戢魚在汕況
堪時節晚暄妍被秋篡支離十斛愁庭草蔓難鏟天涯
憶故人恍若衣斷襟惻惻生別懷此語非面謾願言約
歸期芳芽茁汀蘚欲歸歸便得路異燒絕棧作歌寄長
風幸爲拭青盼

鼠廉詞

帶遺窘結襪低首中自揣明明昨夜燈盤曲置髹几青
羶一無恙苟竊係誰子疎防遲熏穴恍然悟所以黠鼠
慣乘暗善竊性爾爾得失本無常棄置則已矣晚來尋
舊夢入睡輒驚起床頭墻脚間一夜鬧不已暗想得隴
懷故智行復使我書苟免嚙瑣屑不爾訾朝起驚几傍

有物蛇蚓似依稀認故帶趙璧返不毀君子無苟得還
却固其理伊鼠夫何知寧解盜堪恥況今若輩流公然
坐朝市竊國或以侯廉潔棄如委誰謂取與閑爾尙諳
厥旨作歌繼相鼠歎此以警彼

病

病骨闌珊苦莫支殘年無奈卽衰遲烏頭生白孤痴想
綠樹飄黃歎後時交口盡言宜止酒苦心仍欲罷題詩
回思少日真如夢強健何知老大悲

制酒

生人願有千美好無兩足嗟余少艱危涉浪驚翻覆憂
來莫自遣苟焉逃醺醪排愁雖有功釀病機先伏兩耳
漸失聰銅槍久藏腹朝來漱口齒叢刺中骨肉乃知天
所厄顛倒與病觸雖於權咲場仍逢蛇蝎毒百好望誠
奢萬苦當竟獨回念艱危時亂只在心曲如何心未安
身又作病鵠深誠悔前非再拜謝蘂麴愁甘續舊斷痛
冀減前酷尙書訓剛制願日再三讀

有鳥

有鳥昧其名身似鵲而小常常來舍旁卑伏荒翳草引

海西詩集 卷六
三
吭啼一聲旨意殊難曉但覺音響外渾以悲哀繞音響
有斷絕悲哀無窮了啼罷倏飛去白雲空莽渺

雀啄蟲

蟲之生於天我不知其由蠢蠕既已動上下羣飛游有
雀來啄之啄之非有仇強食恣一噉颺去誰敢收蟲弱
天不矜雀暴天不尤乃知大造德不與聖同謀

古樂府倣中唐體

昇平樂

古里流球盡享王交南漠北等冠裳不知何地爲邊塞

直到天涯不用防

黃紙飛來一騎風老翁顛喜到兒童舊租合并新租賜
南省驚傳北省同

三藩旣剪四方寧保族安居頌太平縱有老人頭半白
不曾眼裏見刀兵

歲歲竿雞徹翰音等閒管楚有常禁 聖王易俗無苛
政自令愚頑盡格心

十里三停有汛防山雲鋪翠水花香關津寬大烽烟熄
萬里憑君信脚行

婦寺誰人敢竊權庶官奉職勢無炎璣衡獨運璇臺上
方得恩膏到里閭
編磬編鐘漫設簾荒禽洒洒盡捐除錙銖物力須勤惜
要與斯民貯有餘

筆陣縱橫壓二王穿楊貫虱九規張世人驚作掄元具
天縱何心要逞強

紛然劄奏等身高披閱精勤不憚勞屏當是非歸晝一
豈容左右假纖毫

簑烟笠雨遍耕耘農唱村謠處處聞耕鑿未容矜已力
九重 聖主會歌熏

少年行

青春白日遊香街金鞭指酒館隔簾招嬌娃嬌娃年二
八花容玉爲質羞人卒見招羅裙映門入嬌小忤少年
可嗔亦可憐少年且飲酒街南街北多花柳

關山月

鄉月邊關見月近鄉何遠邊月照故鄉鄉心邊地長鴈
書霜裂帛蝶夢粉消香影合金吹動寒迸鐵衣光望望
白如水胡沙飛不起

白吹木暗別離

江空露白秋如許西風飄來或以雨一聲離鴈不見人
風露茫茫濕平楚取瑟兮再彈有酒兮我酤舊絃斷絕
新絃哀泛碧流黃空滿杯

梅花落

東風吹梅梅花開花開依舊東風來東風無情花有恨
一片點上青青苔燕啄苔泥和花片盡梁處處香成堆
少年堂上正吹簫簫聲隨風繞天涯不是簫聲遠天涯
芳魂悠揚如可猜飄來飄去忽墮落着樹更結明年胎

團扇辭

鴈柱蒙塵冷龍煤剪夜長君恩比芳樹一朶一心香
上苑花如錦玄禽說好春卽防團扇影驚落畫梁塵

古別離

長亭楊柳青青眼短亭楊柳眼青青願將柳眼爲儂眼
看過長亭又短亭

斑駁嘶入亂山岡從此高樓夜夜長淚絲暗逐風前鴈
忽地成行又斷行

團扇波團扇郎

團扇郎團扇真可憐終年懷袖裏那得影團團
團扇郎團扇影團團願得郎來把瘦骨要郎憐

巫山髙

湘江蘭茝香湘水滿三湘湘雨湘雲載湘雲彌峽長峽
長無處所處所在巫陽巫陽千萬古一夕奉襄王

襄陽曲

金鎖重重闔雕闌曲曲通昨宵遊冶子親見錦衾紅
長門怨

爐獸黃金面深灰咲阿奴炭其隨處熱灰得久溫無

別殿笙簫歇簾鈎挂月高無情宮漏水切夢快於刀

鴻門宴

楚歌未起楚舞先玉龍寒閃沛公面刺斜誰復跳丸來
爍爍精光舞態變筵前楚舞看未畢楚歌忽起楚王泣
泣罷還歌歌轉苦項莊不舞虞兮舞

採蓮女

被獵禁當風陣過沒頭還濺夜來波生成只在風波裏
那得芳心苦不多

小朵低拳隔浦紅連莖帶藕出泥中獨憐密裏重重刺

可不當中要落空
入塞

不賞幸生歸蓬蒿
卽故里腰劍挂壁間
塵蝕報恩字
千里思

對面或胡越所思忽千里
當其精誠通千里
近日皆

苦愁行

春水生春蒲蒲生春水
室閒心養閒愁愁多心惻惻
蒲以有根生愁以無根得無根
日生有根死人心安得如

江水

青溪小姑曲

霧壓春烟飛不起
烟輕壓入春江裏
春江着霧又生烟
茫茫不辨烟和水
霧中鯉魚鱗錦斑
若有人兮垂雙鬢
雙鬢忽落蔣山下
迷濛已逐水烟化

高齋少白石郎

桃花輕顰杏花開
燕兒細語鶯兒猜
青皇也道我郎好
東風從郎白馬來

陌上桑

陌桑春染碧提筐
陌上摘選葉飼春蠶
繅成幾兩帛兒

郎于役無歸時姑暖姑寒兒不知姑身得帛暖勿恨郎
歸遲郎歸亦不遲陌上曾見之郎心已死妾身生含情
欲語雙淚盈阿姑有兒奉甘旨賤妾無夫合身死

浪淘沙

高灘沙比淺灘饒江浪偏從淺處淘日日無端被梳刷
幾時望得淺灘高
浪花無蒂亦無芟也向江風着處開倘有根株在江底
便煩白浪與淘來

白題沾花圖小照

歌珠觴玉屬芳年逐水沾泥信後緣若向遊魂徵現在
隨雲飛過亂山前

旖旎風前一餉春落花何似看花人共憐狼籍歸塵海
枉把娉婷現色身

偶題

集工不在有題處句好須尋句外詩字字行行誇錦繡
箇中還怕古人嗤

鄱湖櫂歌

東風收起一江烟兩兩三三鮭菜船打來江魚不自喫

賣魚買酒醉江天
南雨三三換菜蔬
堤外湖光湖外堤
湖堤相界判吟哇
湖旁無人堤草綠
水鳥一雙自在啼

四顧茫茫不見山
堤沙窪處卽成灘
高灘打落低灘漲
揔在鸕鷀眼裏看

湖旁人家樂渠渠
十歲兒子能打魚
打得鯉魚長二尺
生紅雙尾錦難如

雲氣如山浪作堆
狂風怒吼股霆雷
寄聲風浪莫太惡
須有青天白日來

湖邊草花黃復紅
湖邊水鳥西復東
一鳥東西尙無定
兩般花色豈能同

撒網歸來坐釣磯
青楓枝上掛蓑衣
東邊買船收帆影
驚起西邊鴨陣飛

雲影風光各渺然
四旁上下揔青天
青天若有盡處
只在此湖湖水邊

莫愛山居厭水居
牽風載月景難如
鳩鵲營巢上山去
還向湖邊來啄魚

湖中白水本瀾漫
待得風來幻作瀾
都忘後浪催更替

西詩集 卷六
昂着高頭要打灘
風欲西回船欲東
淋頭雨汗笑舟工
自家要向逆風走
豈是湖中沒順風

彭蠡曾聞蟄小龍
湖邊尙有舊龍宮
想是朝來龍出水
無端吹起一湖風

三升濁酒醉騰騰
月照晴湖白似冰
老子自貪棉被暖
兒郎還要去扳罾

翠榜紅檣打大旗
投東轉北路都迷
無人肯向漁翁問
湖路條條我得知

老眼經多自可憑
湖中舊事記來曾
鱉魚猶跳脫
不信寒蛟却可罾

湖中官舫被風欺
直自湖東打到西
惟有一行漁艇子
低篷吹過柳花堤

楚尾吳頭滙此湖
湖中何日沒風波
不如收網歸來好
作首新詩當曲歌

康郎湖功臣廟

與王得統衆交扶翼
後推前勢不孤誰
令攀龍諸將士
縱橫白骨瘞晴湖

秩祀韓成俎豆香
狗君不惜以身亡
諸臣不是不能死
誑楚功高只紀王

智勇相乘悉銳師
鄱湖鏖戰記當時
陳王亦有功臣在
何處人間予建祠

丁普郎曾爲漢將
可憐背漢此僵尸
湖山舊隸陳王版
耐可歸魂引素旗

死事寧關盡死忠
或降無自脫無從
若令一死便堪祀
何似功先雍齒封

或長千夫或百夫
國殤腥血滿晴湖
當時士卒皆兵死
底事湖邊像塑無

弟子輿尸有廟存
功高肇造或焚元
千秋宋穎英魂在
待向何人訴此冤

槐樹將軍臥白烟
春秋咸祀到今傳
三軍盡以身殉國
羨爾全生四百年

媯草

菜子黃枯二麥熟
秧田岸水以介穀
岸水活秧秧未肥
撐船割草循水潛
割草船歸斜日裏
童稚走看盡懽喜
塲東西人助上草
草光浮青浸墻圮
塲東西人咸樂只

場東西人入屋裏菜麥狼籍又如此
饒江節木節晴草謝
平湖十里鏡奩開風捲狂沙去不回我欲看天何處盡
晴峰休便插雲來

山村夜泊

茅屋周遮石子岡山柴堆塚護山庄收帆夜向庄前宿
風弄一溪松葉香

浮梁鎮

並山窰屋俯澄溪素碗花磁樣不齊近鎮人家稀種植
排門兒女學搏泥

窰戶難兼畫匠能坯磁碾石不同營盡收衆力方成器
容易青花手裏擎

窰戶當官許刻遲圓盆方斗到尊彝舂舂要起新花樣
忙煞村莊衆畫師

大士金剛示妙因窰烟消後見灰塵現來劫外莊嚴相
猛火中間不壞身

祁門江公

江東繁庶屬徽州古縣祁門領上頭莫道不關形勝好

人間幾處水西流
祁門江水少分支千里盤迴繞一絲直到鄱湖會衆水
朝宗從此更無岐

西江峰嶺摠頽荒只有寒煙繚石岡山近江南知更好
竹梢林葉會青黃

灘淺江紆礙挂帆鈎人偏愛樹鬚鬚就中何樹最高出
不是虬松卽是杉

能鈎能刺利持篙黃竹青竿手裏操當面忽驚山脚露
剪江齊放橈枝搖

山沿鑿石路纔通上是深箐下竹叢足外更無容足處
彎肩擔子走如風

亂石崎嶇黑似灰枯枝宿莽斫成堆遙看線白叢林罅
知是前山通路來

山雨濛濛濕白烟禁寒頻轉轆轤有堤邊楊柳無長慮
靠着春風便脫綿

看水看山十二時嘲風嘲月數篇詩獨慚身以無能坐
誰合持篙把橈枝

浮梁縣

亂山均處一城懸無暮無朝裏白烟輸與隔江山頂寺
紅牆粉壁看行船

新安江

古歛東來趁浙潮濕流爭挾雨聲高青山放脚橫拖戟
白水昂頭小擲刀

壁絕峰巒不可捫羞將草樹作衣禪青紅着處無纖態
腰背旋來有褶痕

桐江

雨餘江水似河渾千里風光一目存山路明明隨蚓曲
草庵往往寄獅蹲

斜日西懸焰壁燈晚投遙指樹層層岸回蓬葉斜如剪
風曳村烟軟似繒

潭西詩集卷六終

潭西詩集卷七

青浦楊陸榮采南氏著

陸 晟扶桑

同學潘肇振毅老選訂

胡鳴玉廷佩

喚奈集

起庚寅五月
盡辛卯十月

自歎

愁緒紛然曳繭絲
捫心無計可醫治
亦貧亦病亦孤獨
如俗如僧如醉癡
已分餘生償夙業
可憐何日是圓時

苦從親歷諳真味說與旁人豈得知

霽南齋賞夜合花次靜若韻

古柳絕古生雲來細葉剪剪如莓苔柳根紅紫紛爛熳
佳種一一煩培栽一枝粉艷出羣卉含顰悄倚墻東隈
自然風韻絕世立司花命作花之魁玉盤月下尙難並
銀桃素李同萊臺主人徵觴命佳客吟毫書聖網畢該
涼飈散席香滿座菹以蒲筍霞爲杯潭西老狂病止飲
攢肴未許偕宗雷孤懷蕭索崖溜澁老筆蒼淡秋山頽
藉君花酒作詩料譬之浥注可濯壘長歌歌罷投筆起
楚騷枉頌橘服徠

宋事雜感

姦京作相擅朝權家屬南流未蓋愆誰合點金傳妙術

四元原不是真仙

道士車四元授京點金術後
京子修流廣西以其術致富

循王晚節儘隨波脫却征袍卽綺羅六十萬租供歲入

倉儲爭得國漕多

張俊歲入田
租六十萬斛

五國城邊朔吹寒小朝廷只幸偏安玉環兩勝君休琢

一向人從腦後看

楊存中琢玉爲帽環名兩勝以進帝帝偶示
一伶工伶工徐奏曰可惜兩勝放在腦後

壽皇內禪駐重華念舊時時拭袖紗寄語街頭童稚說

等閒休喚趙官家

壽皇居重華宮光宗久不朝一日偶登露臺聞委巷小兒爭呼趙官家者壽皇歎曰朕呼之尚不至在自叫耳

敗入揚州賸一身開花結子幾晨昏

賈似道嘗齋雲水干人一道士覆鉢而去似道故之

內詩一聯云得好休時便好休開花結子在棉州

未容團練參隅坐天使尊嚴屬虎臣

似道謫團練副使鄭虎臣為押送官至漳州州守趙介如宴虎臣欲延似道隅坐虎臣不許似道亦不敢當口稱天使惟謹

伴月遮天得幾時

彌遠比於楊后或作咏雲詞譏之云往來與月為儔舒卷和天也蔽

蒲團寧憶四

威儀可憐今世史彌遠未必來生再覺師

彌遠父浩突見覺長老人室而彌遠

生故彌遠小字覺郎

婦寵臣奸勢兩因判移威福捷於神瓊崖未謫身先死

容易琴心贈與人

濟王為皇子時惡彌遠專權而性好琴彌遠因進善琴美人以伺之皇子一日指輿地圖示美人曰此瓊崖也

他日必置彌遠於此美人以告彌遠彌遠益懼因脅楊后廢皇子

麥秀漸漸汴水濱中原誰洗北來塵炎威久逐秋風散

枉把三丁祝誕辰

誠齋壽光廟詩天意分明昌火德誕辰三世揔丁年高孝光皆丁年生

黃妃冤魄感風沙閭底驚看指十义一自宮中飛黑鳳

羣芳齊讓女娘花

李后母夢黑鳳而生后故后小字鳳娘宮中避后諱呼鳳仙為女娘花

遼事雜感

海石榴紅映御袍金蓮河畔醉蒲萄重陽欠賦題糕旬

未抵端陽有艾糕

遼俗五日膳夫進艾糕

強弱相爭觸禍機一言誰與解重圍藥鑪成就君休問

土少何難捲土歸

遠使牛溫舒為夏請和于宋許割州宋猶未許一日晏溫舒一優索土和藥鹽一優曰土少和不得溫舒遽起

請歸曰和既不從臣請捲土歸耳宋謝許和

亂葉憑教朔吹刪鸞輿晨駕肅鷓班零蒐蕩魄知誰主

三白年年望黑山

黑山在境北俗云人之蒐魄其神司之天子於冬至日宰白羊白馬白鴈以望祭

黃花山上草猶薰大獵曾經駐六軍一日射熊三十六

不須耀武且崇文

興宗獵黃花山一日射熊三十六策試進士遂以命題是年及第者賜緋衣銀魚進士御試自此年始

氣宇昂昂龍虎姿可憐肉眼眼幾曾知臨軒不奉君王詔

容易低頭詳穩司

天祚臨軒命金祖阿骨打舞不從既歸起兵并旁郡樞密蕭奉先令咸州詳穩司詰問

唐事雜感

撫馭從來頌克寬士心懽悅將身安即聞呷醋堪為帥

忍使人同襄樣看

任迪簡為天德判官軍譙吏悞以醋酌任任恐主帥罪吏乃強飲之後至易定節度人稱呷醋節帥襄州漆器

天下取法謂之襄樣于頓鎮襄陽酷暴為諸鎮最人呼襄樣節度

塵蒙心坎掃仍多禮數偏能縛野狐魚子不曾親咬着

枉將煩惱對三姑

徑山有盛名頗倦應接訴於杭州黃三姑姑曰試取魚子來咬着寧有許惱事

激變懷光罪有歸司徒廷雪可全非家粮討賊心雖壯

寇賈從來未易希

馬燧面雪懷光德宗不悅李晟請以家粮給軍討賊由是馬李不和

平北名王靖逆氛爛銀戈甲似雲屯人謀上與天心合

忽報埋懷近有村

馬燧討懷光次埋懷村喜曰我擒賊必矣

巴蜀雜感

虜來尚可痛斯辭政虐兵殘不可支勤國若能思板楯

偷生忍使鬪潢池

虜來尚可當時諺語漢安和後吏虐政苛板楯數畔板楯蠻部名以射虎為業有功先漢即弼頭虎子也

白虎猙獰羣虎從弼頭白弩利於鏃秦王不藉諸夷力

肯把黃龍換酒鍾

秦昭襄王時白虎為民害夷人以白竹弩射之白虎瞋恙因盡殺羣虎大吼而死秦人嘉之因與夷盟曰秦負

夷輸黃龍一雙夷負秦輸清酒一鍾

江州城下水澄泓如玉如冰浸郡城試問當時隋林粉

馳封何日罷朝京

江州城下水宜為粉所謂隋林粉也歲貢京師

叢帝勤民盧帝賢廟分五色祀綿延

時未有謚法故廟以邑差

若令望帝

民心切誰與開明十二傳

開明望帝相有治水功因以國讓焉即叢帝子為盧帝

導江卒正妄稱尊

王莽改蜀郡為導江郡郡守為卒正公孫述由導江卒正後稱帝

城北須防頓

漢軍縱使延牙能血戰爭教白腹悞天文

黃牛白腹五銖當復當時童謠述以

為已識稱白帝世祖與書曰近張滿為天文所悞恐君復悞也延牙述將

哆侈讒口似箕張害寵輕將國本戕不是蜀侯能致雨

北門何自號咸陽

秦孝文王子憚封蜀侯獻饋於王後房加毒以進王殺憚後卜改葬霖雨七日不止喪車至北門陷入地中因

名北門曰咸陽門為憚立祠能致雲雨

苴侯讎蜀借秦兵白鹿山頽有哭聲獨恨蜀亡苴亦滅

空留封邑號葭萌

蜀侯封弟葭萌於苴因以葭萌命其邑後苴與巴借兵於秦以伐蜀蜀亡秦還滅苴

滇南雜感

天南一髮繞山岡擊石成流水亦王封徼縱能開四郡

夷人只解祀三郎

初竹王命作羹無水因擊石而水出今王水是也漢通南中斬竹王置越嵩等四郡夷獠請立竹王後乃封竹

王三子為侯死而祀之今三郎神是也

桐華朱罽幾多般疊貝駢珠儘耐看堪笑吳中誇白紵

佳名何似喚闌干

夷中出桐華布朱罽又有罽旄帛疊琉璃珠貝為之又有闌干細布闌干猶言白紵也

詵猛遑耶與郡仇五茶夷長集戈矛天生女秀才明達

辛苦三年領故州

大安二年五茶夷於陵承及詵猛遑耶反郡守萬毅病歿子釗在洛不得進毅女秀明達有父風衆推領州事

三年夷始退

六朝雜感

搜神徵怪涉浮夸雲幻烟迷不可挈何幸君王憐博物

肯將青鐵賜張華

張華著博物志武帝賜以青鐵硯側理紙鱗角筆

毒霧辛酸鼻祖知函封飛羽故何遲一衣帶水何難渡

寄語黃奴漫賦詩

至德三年大霧入鼻皆辛酸隋既入陳高頴見一放在床下未開封啟之則當時告急密啟也

脩武能文未可同毛錐一束困英雄蠅頭徑尺均難易

縱筆何緣勢便工

武帝拙於書劉穆之曰此雖小事願少留意若不能留意但縱筆為大字則其勢自美

蘭陵玉牒定誰修直把簪纓壓冕旒爭奈同花不同本

望之曾不系鄴侯

齊祖蘭陵人自云鄴侯之後又編望之於先祖之次按鄴侯望之本非同系

燈下

涼夜遲甘寢新詩手自編風懸窓紙急簾磕篆香圓酸
擘黃金顆清煎白乳泉暫拋身外事靜坐卽安禪

辛卯元日

舊臘初除歲鑰更瞳矐曉日颺簾旌通宵爆竹聞何少
出屋寒梅看已橫婚嫁免教窮晚計酸寒憑與餞餘生
門庭閒寂無人到莫便真成市隱名

衾寒應被曉霜侵乾雀簷前有好音鈎起黃簾風淅淅
靜依青案日沈沈雙聰天許蒙臧否兩白人嫌看古今
却羨平原陸老子梅花如雪坐崎嶇

雙頭紫牡丹次韻

紫絨低蹙判凡紅綽約能消背面風彷彿二妃臨渚北
分明雙靨倚墻東繡華自是世無兩嬌艷欣看伴得同
池畔芙蓉誇並蒂占春寧抵此亭中

漫興

雕梁雛燕語喃喃蛛網迎風蕩小圓從古有靈還有蠢
而今何日是何年乾坤作餅人爲餡寒暑如緡物當錢
說與奚童牢認取豆花糝白是秋天

乾坤一合漫評量山自高高水自長入夜稍欣忘黑白
問秋何罪夾炎涼咸京洛邑誰安土螿穴蜂窩有戰場
到底楸枰原贖在花頭露幻草頭霜

問誰爲德問誰仇反本還原各有由白眼黑珠知白黑
剛牙柔舌辨剛柔英雄顛倒非和是老少翻騰春與秋
揔被小兒瞞却去平原終古草油油

物理紛如縱復橫眩人真似雜黃青楸枰有量包生死
酒醜無情易醉醒滄海日升雲氣變長江風定水波停
憑君欲話延年訣塵漫黃庭內景經

春郊襍木轉倉庚秋苑蛩蟻四壁鳴夢去蜜甜同化去
來朝漆黑似來生眼前了了非難測身外紛紛不用爭
堪嘆旁人渾不識杞憂今古爲天傾

雙頭蘭花次韻

閩海仙葩判楚江江黃施紫坐教降名呼待女羞成獨
臭比同心合是雙髻葉鈞青嬌對鏡看峰蹙翠倦憑窓
殷勤爲問司花道瓊液秋來費幾缸

城南觴菊次娛軒韻

仰面低頭無一可斲將笑口對花開陶翁已作支離坐

案有淵
明小像

陸老何妨迤邐來，適興不須頻問壘。有情且與共

啣杯捫心，忽觸愁千縷。異地和誰看，月體

時將往
江右

小圃城南邀共訪，西風吹老菊初開。閒花歲歲能紅白，
坐客年年判去來。半世生涯依短鋏，滿腔心事付深杯。
歸途愁對蒼茫月，露浸寒烟一色皚。

送燕和外舅韻

舍後喃喃復舍前，三生雛弱也蹣跚。忽傳音響來鸚鵡，
從此心情屬杜鵑。風冷長途今日恨，香溫故壘舊時緣。
瀕江鴻影堪癡絕，苦戀江南小有年。

雕梁塵影動涼颺，燕燕窺簾去不遲。待剪春回修尾鏹，
乍驚霜薄翠衿知。臨風定擬歸何處，于野真曾立許時。
漫道東皇消息遠，桃根柳葉會相思。

送秋和外舅韻

秋光曾不比春妍，縱許長留已可憐。豈合西風又吹去，
不教老物得俄延。蘆花帶恨沉寒潦，霜月含情滿逝川。
惟有丹楓明似火，平鋪錦障送江邊。

日斜曾費淚千行，况是秋殘倍畫傷。曠野有風惟浩浩，
空山無樹不蒼蒼。行裝遠點飛鳥陣，厚意留多打稻塲。

長空無雲四宇寂欲呼蓮老叅南禪

由龍游趨衢州

千堆萬堆石孕卵十里五里山鱗路山泉絡石激有聲
石根激水清可數西風淅淅吹山樹落葉滿山聲作雨
山裏人家剝芋香山外行人愁日暮日暮天寒上淺灘
低篷狹艙團頭坐載月何曾辦雙槳衝烟不解搖雙橈
竹篙彎彎向水曲起落與人爲仰俯姑蔑城高眼中見
咫尺前程遲得渡可憐抵死與水爭君不見順水揚帆
萬斛輕

登前韻酬晉綺

長天湛湛色如卵茫茫下覆行人路南來北去定何從
岐路紛紛不知數蕭條愁對江邊樹况復西風吹凍雨
殘書一篋向西州惘惘心魂歎遲暮愛君才調過潘陸
披雲何幸同行坐長歌歌罷付寒流月滿山椒烟膩櫺
灘路歌危共惘然掀簸船頭俄仰俯不知何處出迷津
好向長年重問渡吁嗟乎江頭菰米鳧雁爭君不見長
空杳冥鴻飛輕

苦寒寄內

蒼涼滋味飽曾經
衰柳枯槎泊晚汀
一樣唳風江上鴈
夜寒訴與阿誰聽

風吟窓紙一條條
獨夜寒燈未易消
古甕倘羸松子酒
莫教閒煞舊椰瓢

料峭西風凍玉纖
凝雲遲得放朝暹
閒常鍼指休拈着
耐到春光度短簷

向火和晉綺韻

野曠風怒號蓬罅
雪爭入雲同愁仰
看瓊碎艷俯拾爲
險阻平治與隙罅
罅補葺鴻餒哀鳴
勞鷺僵一足立窮途
歲向殘時令月過
十骨寒固自分膚裂
苦誰習玉樓聳
愈瘦朱廚卒難集
炎趨心失素煖借力
易給星飛驚作
爆氣滂由烘濕前坐
差魚鱗後附等梯級
掌分列戟義
頭聚羣魚戢擠排
忘少長氣燄生呼吸
寧同及溺救幾
欲不濯執舊苦忘牛
衣新懽思茗汁灰浮
揭層層心盡
還悒悒從來序易更
向者情何翕嚴飈晚
加厲維霰打
仍急炎涼看迭變
恹恹嗟何及多君好
詩句愧我大艱
澁所欣志趣同
勗矣古是汲

貴溪

榆林絕塞逼胡氛扼套防河利策勳片語易捐南牧地
三城全頓北來軍是非誰判當時口興替真從此日分
矯首浮雲天半黑西風東市豈堪聞

大雪泊安仁

如磔荒城枕石灘灘流欲凍不成湍雙鈴北戶難回暖
三到南州無此寒山險漸教平嶮熾酒醜却喜帶辛酸
夜來孤負鄉園夢一樹梅花倚檻看

章江

天不容清流所往必見阻章源遡南安硬咽遭石侮旁
攢類劔戟中據儼獅虎於時流正清有地無安所跬步
或三折一線亦分股對磕成獨碎直落訝橫鑱汨汨趨
南昌九洲滙東滸同流遂合污清濁判仰俛羣山避湍
激沙石任吞吐腹漲鄱陽湖彭亨恣攫取地祇不敢收
旁嚙盡浦溆原疇有陸沈遑敢問禾黍回想平生心清
激所自許豈緣涉險多奄忽改素履蛟蜃藉餘威鼓浪
濕天宇震撼擺山岳鏗錡走風雨雙飛白鷺鷺眼見與

誰語

泰和時出門已匝月又半

蓬帆催送贛江船來往西州五六年到日閒常周一月
計程無過歷三千登臨不改山川迥留滯多緣風雪偏
却喜先春開野菜嫩黃漠漠滿平田

西江曲

江清沙白西江路山下人家斫山樹火之成炭析爲薪
堆塚江干給行旅丈夫採薪朝上山空山落澗聲潺潺
平坡受水活禾黍岸田不解占晴雨餘流下委作陂塘
菱蔓魚苗任君取兩舍三家共一塘各編籬槿各分疆
後門竹筏沿塘去喚出西隣煮葛娘阿娘煮葛漬塘水

精締粗綌成手裏年年捆載入賈船阿娘六月衣木棉

贛石

一水兩山間礫石生阻礙密布羅星躔阨險結邊塞戢
戢若聚黨擾擾仍分隊出頭工刺鑽着脚托深晦峭刻
鮮厥儔粗頑引爲類陰黝洗不白穢雜甘所戴地位要
津據鋒鏖腹劔賽擠排舟楫材唐突重遠載不成喬岳
尊祇受清流嘅江聲鳴不平古岸欲橫潰秦鞭寧肯假
李火庶可再坎坷一以平浩蕩恩波大

起雷陳先生過許拙句頗似誠齋因效其體奉呈

官署陰寒日易斜，迴廊徙倚靜無譁。
風吹雨打傷心樹，隋白飄紅過眼花。
自咲粗頑同贛石，人言清苦似林茶。

贛州林芥今稱爲芥茶第一

上一窮雖辨工詩料，容易追蹤宋大家。

聶石友丘昭衡聯句辱和疊韻奉酬

黃塵如線倚簷斜，窓紙吟風靜亦譁。
石蘚得春生細髮，庭梅無力墮全花。
看書尙耐蠅頭字，消渴親調蟹眼茶。
慚愧琳琅投好句，孟韓從此不名家。

路絕兜京舊徑斜，鶯啼燕語不知譁。
空將西土生蓮舌，閒嚼南枝帶雪花。
是國是鄉憑泥酒，爲經爲論愛評茶。
琴囊書篋原無恙，訝道官衙抵似家。

雨窓感懷倣香山體

此生那復分人知，飄泊東西每自嗤。
六七年來彈鋏客，三千里外落花時。
濫竽敢下窮途淚，遣日愁吟卽事詩。
況是春光將過半，忍聽朝雨暮寒颼。

讀廖安民傳

先生廖姓名安民，讀書萬卷期古人。
千橫萬豎揔不解，所識兩字君與親。
時逢陽九鬪龍虎，戰血洗雨明愁燐。
當年楊相阨虔郡，穆之機敏君其倫。
政身奈有老母在

能以心許難以身時平草木載新雨掉頭獨釣烟江濱
百年難負楊相義卽此一語驚天神粼粼江水上有山
高名直與爭嶙峋

贈吳松若

鄉居先生居鄉者烟青嵐白鈴山下循山依麓穿山樹
屑玉濺珠汲山水山花無言山鳥靜風蕩山歌滿雙耳
先生悄向山靈說願借三弓托隣比景山景日拓山場
葺竹編茆而已矣先生曉起讀山書綠滿山窻落山翠
有時扶杖繞山岡芟服荷裳山色裏慚余向有烟霞癖
指點名山却伊邇偷閒倘許闖山居應有山猿指居址
雨不止

小窻絲雨鎮影蕭人與春分此寂寥閒看蛞蝓緣有跡
悶邀蝴蝶夢無聊梅梢映水寒難寫茶竈蒸雲濕未消
漫憶江東遲遠信濤聲料也沒平橋

雨聲

窻楞簷瓦竹梢頭忽地輕敲忽亂投夢裏錯驚茶鼎沸
紫芽頻喚喚點雲甌

蜂

花漏濃香滿石臺南枝初放北枝開晚衙未上朝衙罷
徧向人間投刺來

蛛

匝地漫天罥網思小圓輕颺晚風時休憐未得凌空去
牽掣都緣一寸絲

蚊

蹴醒東床自在身暗中叢刺太無因莫矜有口如錐利
穩作人間入幕賓

同晉綺遊城北諸山

靈山遊甫歸幽討今喜再肩輿出城北齷齪鬧闐闐清
風忽曠野如洞出深晦坡陀簇馬蹄低昂越駝背來從

頽石橋

文興橋
石皆赤

洗耳聽清濺濺江源自茲湍駛亦澎湃高

松結輕陰十里雲霏霽繡花爛紅白左右引雙睽山田
稀連塍尺寸判畛畝牛耕雨一犁時節插秧屆崇崖突
嵌空精鐵兀相對奔流瀉石罅百派時一漚羣巒環獅
頭參錯聯伍隊彎環壁四旁窳窳却窪內玉敦古制存
狀肖此爲最

敦丘俗稱長逕口
張令錫以今名

歸途及未晚恣意搜幽怪行

行入山腹折折得勝槩洞竅耿窻隙石覆訝釜蓋巖溜

玉屑霏四氣偏陰靄竒峰三十六數與嵩高高配嘉名錫

對嵩言出義有在對嵩巖俗稱雙龍山今名亦張令所易黃昏上白月輕寒薄

衣帶佛火指妙明寺名投宿愜清寐我來古平固急了山

水債日月餞一閒心目遂雙快惟欠仙潭遊憶昨發深

喟前遊靈山不及至仙女潭而返

送文木東歸

雙江一葉記冬孟轉眼穠春花事盛君歸慙愧我猶留
去住分途一樣愁君愁猶喜得歸去歸便無愁愁我住
舉頭遠望故鄉月月下箋愁與誰說

罵桃行

咄咄桃來前汝家本空山其實可以食其枝可以薪前
結楊柳伴後締桑麻村而汝於其間婦稚笑語喧陶翁
昔見訪猶或迷來津誰能招俗駕狼籍汚流塵揭來此
何歲橫柯倚芳軒自矜得所托倚筴春風妍豈知風信
惡幾日逢暄溫風吹汝竟斷雨打汝實殘惟見墻脚下
酣綠野草繁一一汝自取感蓋夫何言

前醉歌行

一拍案一放歌天公忽變色白雨何滂沱案不拍歌不

放天公晴皎風淡蕩興來歌發興盡止我歌我止適然
耳小兒惘惘不解事俄晴俄雨區彼此天公大笑莫予
訾我以陰晴熟梅子

春暮

禁烟纔過逼春殘一餉繁華夢已闌留得柳梢雙眼在
看他梅子滿心酸粘花蝶翅渾無賴覆野雲衣尙淺寒
絕笑池塘蛙兩部鼓吹殷耳漫憑官

後醉歌行

舉頭天地白放眼江湖駛抽步入花間衣呈薔薇刺爾
今下不爲草上不成木屈折柔蔓實可恥浪蒙雨露恩
風香蕩墻圯便思外假好顏色中隱叢刺與棘比鈎我
衣傷我指使我進不得前退不知所止左右牽掣爾之
以拔劔斷爾根漬之爲露漱牙齒旁有高松笑咭咭江
之滸繁蘭與芷芳馨可折遺所思子何不往來於此子
不來刺不及子小不如意毋爾爾聞言心恟怳向者我
醉矣

驅蠅行

蠅蠅衣青衣所托無定址闕然引朋類噉臭以其背豈

江西詩集 卷八
無雙寶劍驅擊令汝死奈茲儔侶繁此伏彼又起當時
蚊與蚋漬血滿牙齒智不櫻劍鋒翩然入幕矣

莽蜂行

針褥莫置座樹棘莫近舍黃蜂飛來香滿身轟轟正值
朝衙罷東村人家花滿畦西村人家花滿榭東君不解
釀蜜方不是黃蜂竟誰藉黃蜂花底日日忙釀成白蜜
滿甕香可憐一餉東君老得蜜黃蜂各自好晚衙罷矣
蜂鬚杏

撲蝶行

紫燕啄花片和泥營作窠黃蜂摘花心芳腴享已多此
有處堂樂彼有排衙忙禍患曾莫櫻渠各有所長可憐
雙粉蝶所領惟空香花片不敢啄花心不敢嘗揆分固
無罪見撲豈所量無螫能自衛無羽能遠颺撲之雖至
死嘿嘿徒自傷

潭西詩集卷八終

平西精梁益人然

[Faint vertical text columns, likely bleed-through from the reverse side of the page]

[Faint vertical text columns, likely bleed-through from the reverse side of the page]



